

## **Ethica Amoris, Sive Theologia Sanctorum, Magni Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput IV. Prima proinde Theologi Moralis cura esse debet, sanam &  
christianam de Dei creatur arumque amore doctrinam tradere.

---

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

gacuer feligens. Sed hunc amorem, non cuiuslibet, sed Dei esse diximus, id est, summum bonum. Et l. de grat. Christ. c. 25. Us generaliter breviter que complectar quam de virtute habeam nationem... virtus est charitas, quia id quod diligendum est, diligitur.

## C A P U T III.

Primum Christiani hominis officium, est amorem suum recte ordinare.

**12** Constat ex dictis capite præcedenti: ex recto quippe amoris ordine, pendet rectus ordo cæterorum humanorum affectuum, atque omniumque. Si enim ordo est in amore, affectus omnes ordinati sunt; si ordo non est in amore, in ipsis quoque nullus ordo, sed perveritas & perturbatio est, ut sapienter advertit Emin. Cardinalis Bona loco supra relato.

## C A P U T IV.

Prima proinde Theologi Moralis cura esse debet, sanam & christianam de Dei creaturarumque amore doctrinam tradere.

**13** Equitur quoque ex dictis capite præcedentibus: si enim primum Christiani hominis officium, vitæque christiana fundamentum, est amorem suum recte ordinare, prima & fundamentalis Christiani Doctoris cura esse debet, docere rectum amoris ordinem. A christiana namque vita fundamento Moralem Christianam ausplicari debet; indeque suos de doctrina christiana libros ausplicatus est Augustinus, ab ordine utique amoris.

**14** Et ideo Moralem nostram, seu Sanctorum Ethicam, Augustini exemplo, nos quoque auspiciamus, non solum ob rationem proxime allatam, sed & ut in ipso limine praescindamus radicem perniciosarum, scandalolarumque opinionum, quas Ecclesia per SS. Pontifices Alexandrum VII. & Innocentium XI. meritissimè proscriptis. Quarum Authores in Conclusiones christiana vita adeò relaxativas non abiissent, si Augustini, aliorumque passim Sanctorum, de ordinato Dei creaturarumque amore, principiis instituissent. Si enim recessus à doctrina Sanctorum, radix est tot laxiorum, scandalosarum perniciosarumque opinionum, ut Prolegomeno 1. c. 6. à nobis est demonstratum; id maximè verum est de recessu à fundamentali ipsorum, de ordinato Dei, creaturarumque amore, doctrinâ. Quemadmodum enim ordo amoris, fons est, fundamentumque totius bonæ moralitatis; sic sana christianaque Sanctorum de amoris ordine doctrina, fons est fundamentumque totius Moralis Christianæ. Quod fundamentum ne ipsa quidem divina Scriptura aliter tradidit, nisi præcipiendo charitatem, culpandoque cupiditatem; & sic informando mores hominum, prout Augustinum attestantem supra audivimus. Enimvero

li radix omnium bonorum est charitas, & radix omnium malorum cupiditas, prout ex eadem divina Scriptura sancti Doctores tradunt: radix omnis lana de moribus doctrinæ ea est quæ edificat charitatem, destruitque cupiditatem.

Atque hinc doctrinæ, quæ vel destruendo, vel plus aequo minuendo obligationem charitatis, regnum amplificat cupiditatis, radix est totius Moralis laxioris; indeque patefactus est aditus ad tot illas propositiones, quas Ecclesia damnavit, velut christiana vita nimium relaxativas, animarumque perniciem inferentes;

eo quod utique minus quam oportet faverent charitati, nimium cupiditati, adversarenturque doctrinæ Sanctorum de recto amoris ordine, uti perspicuum est 1°. in ea quæ usum permittit opinionis, quantumvis tenuiter probabilis pro carnali libertate (adèoque pro cupiditate) contra probabiliorum pro lege & charitate. 2°. In ea quæ Judicii permittit ferre sententiam pro amico, juxta opinionem minus probabilem. 3°. In ea quæ à mortali excusat semel in vita dumtaxat eliciendum actum dilectionis Dei, vel quæ ad eum eliciendum ne singulis quidem quinquenniis obligat, vel solum dum non est alia justificationis via. 4°. In ea quæ esum, potum, conjugiisque opus permittit ob solam voluptam cibi, vel potus, vel concubitus. 5°. In ea quæ permanente permittit in proxima peccati mortalis occasione, ad vitandum detinimentum aliquod, vel incommode temporale. 6°. In ea quæ excusat gaudium, & desiderium inefficax mortis proximi, etiam patris, ob temporale emolummentum. 7°. In ea quæ in tantum amare permittit sæculum, ut ab eleemosynæ de superfluis obligatione excusat reservantem pecunias, statui prælenti superfluas, ad statum altiore per eas comparandum. 8°. In tot aliis excusantibus furtæ, usuras, simonias, homicidia, duella, innumeraque ejusmodi plus aequo faventia cupiditari, quarum prolixa specimina habes Prolegomeno 1. c. 2. Specimina certè non tam sapientia Ethicen Christianam, quam Gentilem, imò quâ honestior in plerisque fuit Ethica Philosophorum Gentilium; specimina, inquam, opinionum, quarum Authores Dei leges considerant velut odiosas, easque, ut tales, in favorem cupiditatis extenuant, atque ab humeris hominum excutunt, vel excutere nituntur.

Qui certè ab ejusmodi opinionibus haud dubiè abstinuissent, si deposito omni affectu pruriendi autibus, magis seriò perpendissent, quam Deo, qualèm proximo charitate, juxta divina Oracula, Sanctorumque documenta, imò & juxta rectam rationem homo debeat, presertim Christianus, & quomodo liber esse debeat à secularibus desiderijs, nec creaturam ullam amare finaliter propter se, sed propter Deum, mansiosque terum omnium mortaliū amores abnegare, ut soli Deo, tamquam Creatori, Redemptori ac fini suo, per amorem inhæreat.

<sup>17</sup> Quod si satis pérpendissent, sanctissimam castissimamque de omnibus deliberatis actibus nostris propter Deum faciendis doctrinam, in sacris eloquii traditione & ratione fundatissimam, velut nimis austera, inhumanamque, imò velut Bajanam & Janzenianam, per magnam vel inficitiam, & in doctrina Sanctorum olcitantiam, vel in Sanctos ipsos injuriam (in ipsamer eloquia sacra redundantem) carpere veriti fuissent, ac per consequens iusto Dei iudicio permisisti non fuissent loqui adeò falsa, ut eorum aliqui (Ecclesiā gementē) negaverint, quod ne ipsi quidem Ethnici negant, quodque natura lumen radiis plusquam solariis ostendit, Deum utique in lege amoris, interiori dilectionis affectu, de praecepto, per se specialiter obligante, diligendum. Alii non nisi semel in vita assuerint diligendum. Alii non nisi semel in anno. Alii semel dumtaxat singulis quinquenniis. Alii ne singulis quidem rigorose quinquenniis: quasi toto reliquo tempore per se licet hærente in creaturarum amore, vel sibi, non Deo vivere. Alii licitor afferentes mansorium amorem, nedum honoris & pecuniae (contra perspicua divinæ Scripturæ testimonia) sed & carnalium voluptatum cibi, potus, concubitus, &c. tandem in alias suprà memoratas laxitates prolapsi sunt, pœnali quidem cæcitate, non tamen absque fundamento, semel concessio quod per amorem finaliter in creatura licet hærente. Quia, hoc semel dato, istius adhæsionis mensura statui non potest. Eorum quippe, quæ amantur in ordine ad finem, mensura statuit secundum proportionem medii ad finem. Ast eorum quæ amantur ut finis, non est per quid, & secundum quid mentura statuatur. Per consequens non est per quid, & secundum quid mensura statuatur amoris creaturarum, si creaturæ esse quænt finis ordinati amoris nostri, etiam fordidæ voluptates, de quibus suprà. Amari ergo poterunt absque termino. Quod si verum est, laxatum omnium conjectaria sunt portenta. Ad qua proinde præcavenda, securis ad radicem hanc ipso in limine applicanda est. Quem in finem, ad majorem claritatem, roburque dicendorum, nonnulla præmittemus. Sit itaque

## C A P U T . V.

*Ad christianam de amore doctrinam manuducit triplex divisio, quâ sancti Patres amorem adæquate dividunt 1°. in mansorium & transitorium, sive in fruitionem & usum. 2°. in amorem Creatoris & creature. 3°. in charitatem latè dicitam, & cupiditatem, latè similiiter acceptam.*

<sup>18</sup> **A** Morem mansorium & transitorium, idem esse quod fruitionem & usum (juxta Augustinianam definitionem fruitionis & usus n. 9. traditam) inde perspicuum est, quod amor mansorius ille sit, quo amans sicut in re ama-

*Tom. I.*

ta, eam propter se, non propter aliud diligendo; transitorius vero, quo amans non sicut in re amata, eam propter se diligendo, sed à re illa transit ad aliam, propter quam priorem amat. At hoc ipsum, & nihil aliud est fruitio & usus, prout conflat ex dictis ibidem.

Quod itaque divisio amoris in mansorium & transitorium, sive in fruitionem & usum, sit adæquata, Gregorius Ariminensis, Augustiniana doctrinæ Assessor egregius, optimè probat ex Augustino, nullam agnoscente dilectionem, quæ nec fruitio sit, nec usus. Libro namque primo de doctr. christ. c. 31. ad probandum, quod Deus utitur nobis, arguit sic: Diligit nos Deus. Ergo vel fruatur, vel utitur. Non fruatur. Ergo utitur. Nam si neque utitur, neque fruatur, non inventio quemadmodum diligit. Quod argumentum non concluderet, si dilectionem agnoscereret, quæ nec fruitio sit, nec usus; utpote quâ data, inveniri posset Dei erga nos dilectio, tametsi Deus nec uteretur, nec frueretur nobis.

Probat etiam potest hac ratione: Omnis amor, vel sicut in re amata, vel non sicut (neque enim inter due ista contradictionia dabile est medium.) Si sicut, est amor mansorius, seu fruitio; utpote rei istius amor propter se, non propter aliud. Si non sicut, transit à re ista in aliam, propter quam, non propter se illam amat; sicutque est amor transitorius, seu usus.

Secunda etiam divisio amoris, in amorem Creatoris & creature, juxta Sanctos, est adæquata. Cum omnis amor, seu dilectio, sit entis alicuius (voluntas quippe rationalis... non sic potest diligere, ut amorem suum non velit ad aliquid religare, ait S. Fulgentius l. 1. ad Monim. c. 18. Omne vero ens, vel Creator est, vel creatura. Omnis ergo amor vel Creatoris est, vel creature. Et ita docet S. Leo Papa ferm. 5. de jejun. sept. mens. his verbis: Duo amores sunt, ex quibus omnes prodeunt voluntates... Rationalis enim animus, qui sine amore esse non potest, aut Dei amator est, aut mundi) id est creatura. Et S. Gregorius l. 18. Moral. c. 1. *Esse quidem sine delectatione (adæque sine dilectione) anima nequaquam potest: nam aut infinitis delectatur, aut summis, id est, vel creaturis, vel Deo.* Et ante utrumque S. Augustinus l. 9. Trinit. c. 7. *Nemo volens aliquid facit, quod non in corde suo prius dixerit. Quod verbum amore concipitur, sive creature, sive Creatoris...* Ergo aut cupiditate, aut charitate. Nemo ergo volens aliquid facit, nisi vel amore creature, vel amore Creatoris: adæque vel cupiditate, vel charitate. Quia omnis amor creature, in ipsa sistens, juxta Augustinum est cupiditas. Omnis vero amor Creatoris, in ipso sistens, est charitas. Ergo juxta Augustinum non datur amor, qui vel non sicut in creatura, vel in Creatore. Unde in Psal. 122. dicit, quod omnis amor aut ascendit, aut descendit. Quod ideo dicit, quia omnis amor vel Dei est vel creature: si Dei, ascendit; si creature, descendit. *Aman-*

D d 2